

乾

隆

鄞

縣

志

鄞縣志卷二十五

寺觀

自象教東來而琳宮梵刹徧於海內其立教以慈悲爲本善惡因果之說與吾儒惠迪從逆之旨頗有合焉四明古稱三佛地城內外僧寺遠者千餘年近亦數百年像設之莊嚴靈蹟之顯異甲於兩浙而高僧亦多出其間晨鐘夕梵戒律精整昔程子見釋氏誦經曰三代威儀盡在是矣未可以異教而畧之也天童育王二刹爲古尊宿道場

天章宸翰屢蒙

頒賜尤爲法門榮遇較之洛陽伽藍金陵梵刹殆過之矣

老氏之宮不及僧寺十分之一舊志所有名目今亦附見焉

城中佛寺

延慶講寺在縣治東南日湖中成化志周廣順三年建日報

恩院宋大中祥符三年改院名延慶紹興十四年賜教額

寺之大悲閣有辟支佛舌舍利并普賢菩薩像皆知禮所

立寶慶志嘉定十三年燬史彌遠重建扁曰南湖福地延祐志

寺有起信閣羅雲堂禪悅堂能仁堂寺西北隅有觀堂宋

元豐間僧介然建名淨土院建炎兵燬觀堂巍然獨存南

郊有法智大師塔院亦名祖關延慶志

陳瓊淨土院記略曰明州延慶寺住持比丘邱世有講席以天台觀行為宗自法智大師知禮行學俱高聽徒心

嚮繼其後者皆得人今百有餘年矣間有苦行精修之士來依道場元豐中比邱介然修西方淨土之法坐而不臥以三年為期期滿謂其同行比邱慧觀仲章宗悅曰我等各據一室成此勝緣後之來者加衆而室不增多今延慶西隅尙有隙地若得錢二千餘萬構屋六十餘間中建寶閣立丈六彌陀之身夾以觀音勢至環為十有六室室各兩間外列三聖之像內為禪觀之所臨池水水生蓮華不離塵染之中豁開世界之境念處俱寂了無異緣以堅決定之心以顯安樂之土所以順佛慈而報恩者豈獨我四人而已哉所欲如是其可成乎慧觀等答曰以無作任運之心作有為利益之事四明多檀信何患乎不成自是日營月積更七寒暑凡介然之所欲無一不如如其志者初介然手二指誓必成此元符三年三月落成之日設千佛之供復然三指以增淨誓既成所難成又捨所難捨而原其用心無私己之意於是見者聞者莫不隨喜淨習之士踴躍欣慶而十有六室常無虛位期滿者去發志者來依勝境而獲善利者不知其幾何人也夫淨土之教古佛所說誠心之士諦受不疑如來之教九品以至誠為上智者之造十輪破疑心之具縛縛解情亡識散智現則彌陀淨境何假他求若臨明鏡自見面像得者不由於識受昧者何可以情曉超識習而不惑度情塵而獨造者其惟

誠乎故曰誠者成也
成自成它推此而已

五臺開元寺在東南隅採蓮橋東唐開元二十八年建以
紀年名會昌五年寺廢大中初詔復開元寺卽國寧寺舊
址建焉有維摩問疾相東廡有梵王帝釋四天王行道變
相天神天男天女歌樂形相皆協律極其精妙吳越中畫
寶也其樂蓋霓裳羽衣曲云寺有不肯去觀音像因名五
臺觀音院天王堂前有喬檜尤奇怪康憲錢億爲賦詩有
子院六曰經院曰白蓮院曰法華院曰戒壇院曰三學院
曰摩訶院自宋嘉定十三年火廢爲民居寶慶志
國朝乾隆四十七年僧德觀於其地募建平屋五間采訪冊
景福寺在東南隅舊號水陸蓮花院宋建隆二年建大中

祥符三年改今額

延祐志

久廢

采訪冊

東壽昌寺在東南隅唐清泰二年僧子麟往高麗日本百

濟諸國傳天台教法高麗國王遣使送還明州因贖徐蘊

卿園地建院以安其衆晉天福七年吳越國王命為保安

院宋治平元年為永安院大觀二年賜壽昌院額

延祐志

壽昌教寺在縣治東南舊名西壽昌甲乙住持院宋乾道

五年建嘉定十三年燬廢為民居淳祐元年僧慧通於城

西篠墻北結菴揭以舊額元至元二十五年復舊寺徙民

居僧志堅重建歸其遺額大德元年增建淨土殿懺殿

成化

志明永樂間僧行恢應召歸建昭恩閣宏治間創華嚴樓

嘉靖間燬

國朝順治十年建齋堂并塑天王像寺有枯槎一株礪砢

異狀塑大士像於其巔壽昌寺志

陳著重建佛殿記曰郡乘子城南一里而遙有甲乙住持院曰西壽昌宋嘉定間廢於火而民家其址近六十年淳祐初僧慧通於篠墻北隅結菴名西來而揭以壽昌遺額意則有在今至元己丑凡廢利皆復此其一也於是民徙之去址如舊嗣慧通者志堅領菴之僧志西如繼汝舟善誠分菴之田半資以辦事乃薈乃滌築垣以正限界度地以定規模首建庫堂次法堂閱八年志堅薨而志西承之力佛有殿僧有堂鐵有所門高而敞廣深而靜庖帑溷濁皆具而菴以其額復于院初意得矣狀其本末求記吁天下事創之非難守之為難復之尤為難世之人連雲棟宇厥先祖父之所經營所付託天變人事之不測不幸而瓦礫而蕭艾至有委之不顧况於復乎慧通越人也於壽昌非巾鉢舊游之戀而惻其久廢屬其意於方來甚於天倫宗嫡之傳爰繼志安問艱難勞苦必復而後已然則學佛而如此用心豈徒空也哉三荆公謂夫之此而得之夜亦有感於斯云

天封講寺在縣治東南唐建僧伽塔以鎮郡城漢乾祐三

年始建天封塔院宋大中祥符三年賜天封院額嘉定間
火廢爲民居元至元間復建泰定三年塔圯至順元年重
建明永樂十年雷火焚塔三層住持子香重修成化嘉靖
二十六年颶風大作塔頂飛墜三十八年重修

國朝順治十六年雍正九年皆重修曹志

吉祥寺在東南隅新排橋東晉天福五年建六年以釋天

院爲名宋太平興國八年賜今額延祐志久廢采訪冊

大中祥符寺在東南隅天封塔北周廣順元年建號崇福

寺宋大中祥符元年賜額延祐志久廢采訪冊

境清興法寺在東南隅唐末僧鴻紹因南門外水陸院基

爲柳亭院梁開平四年遷於茲地更名境清宋大中祥符

元年賜號興法元至元間燬復建以南門外舊址爲本寺

塔頭菴成化志久廢采訪冊

東岱菴在縣治東南東岳廟之後聞志

戒香菴在縣治東南三里竹湖坊舊名白檀寺唐大中元

年建宋大中祥符元年賜額熙寧間有啞女乃維衛佛現

身鑄銅像事之明初寺廢宏治間徙建寶雲寺於其址仍

結菴以存舊蹟聞志

戒珠菴縣治東南明儀部李桐爲守節女入宗焚修之所

卽甬上所稱梵淨師也里人盧文英妻亦以守節爲尼與

李女同修淨業采訪冊

薜蘿菴在縣治東南初名長松館本李文學桐宅也其子

文景文昱死於兵二婦入道捨為梵宇采訪冊

永慶菴在縣治東南泰和坊即冲虛觀址采訪冊

禮拜寺二所一在東南隅獅子橋北舊名回回堂一在東

北隅海運所西至正續志皆久廢采訪冊

萬壽禪寺在縣治南大梁街唐咸通十三年使君周景遇

捨廨宇以建賜額惠燈宋太平興國七年改崇壽政和八

年改廣慧紹定元年改萬壽延祐志明永樂間重建聞志

國朝順治三年重修今有司於歲時祝

釐就寺行禮采訪冊

甬水菴在縣治西南靈應廟後俗呼淨土菴聞志

寶雲講寺舊在縣治西南行春坊之東宋開寶元年漕使

顧承徽捨宅爲傳教院太平興國七年賜額寶雲成化志明

宏治十三年徙寺於竹湖坊戒香尼寺遺址以寺地入鄞

學嘉靖志

國朝順治十年重建山門天王殿及諸寮舍聞志

廣福禪寺在縣治西南握蘭橋西漢乾祐二年建號羅漢

院宋太平興國八年賜今額成化志

崇教教寺在縣治西南唐乾符元年建宋大中祥符元年

賜額建炎燬於兵紹興二年重建成化志明崇禎四年住僧

興文恢復故地重建五年汪光祿其俊捨基建三佛殿寺

前有浮石池宋普菴禪師投石處側有浮石塔聞志

按聞氏舊志載唐時楊德順幼時飾裝爲女長報

父讎出家捨其居為院日報恩此事寶慶諸志皆
不載疑傳聞之譌

太平興國寺在西南隅握蘭橋西唐開元二十八年建號

太平興慶宋太平興國八年賜今額有子院三日浴院曰

經藏院曰教院延祐久廢采訪冊

藥師院在太平興國寺之右寶慶元至元間復為官講所

延祐六年朔殿以奉帝師命僧守之後遷蒙古字學於其

中至正久廢采訪冊

指月菴在縣治西南明嘉靖間建采訪冊

福聚菴在縣治西南社壇橋南元泰定二年建成化

黃淮興建記略曰四明福聚菴在郡城中坤申之間元至元開山始於別源禪師創建則任於普月實天童良

元明雉度是為別源之嗣孫也普月弟子正高其徒景
 絢與天童典藏道臻同領菴事同心協力奮志圖為以
 廣前人之業改荆殿閣堂室次第完美而宏廣之規視
 昔有加矣既落成遠來求記余惟佛道從虛控寂未嘗
 涉於有為然其化導羣生則以慈悲為世諦接引之機
 益欲使恆河沙衆皆入於善以求福田利益朝廷謂其
 有陰翊王度之功特設僧錄司主持教事其屬望之意
 深矣是菴處闡闡中而崇信之者如親涉祇林寶所修
 持善念惟利益之是
 名曰福聚不亦宜乎

聖功院在西南隅本崇教院周顯德元年建宋真宗詔內
 侍裴愈訪名山聖迹寺院以藏太宗石刻御書本院奉賜
 五十卷軸復奏改賜今額寶慶志今廢為民居有石甃方池

其故蹟開志

能仁觀音寺在西南隅月湖之西舊號報慈寺宋建隆間
 節度使錢億捨宅為之面枕平湖門橫綠野為四明望藍

初賜承天院額宣和間改能仁嘉定中以其地賜丞相史魯公移其額於大慈山景定間史氏歸地復立寺元至元間僧判蘇昌普建一室以奉大士善財號保聖寺延祐明志洪武十四年以其址改造寧波衛倉徙寺於城西隅官講所之塔址成化志

按今月湖書院卽宋元觀音寺舊址

大歡喜菴在縣治西南明萬歷二十五年建間志

湖心廣福寺在西南隅西湖之心舊號水陸冥道院俗謂

湖心寺宋治平中建熙寧元年改壽聖院紹興三十二年

改今額係十方傳律講法處爲放生池道場乾道初大中

趙伯圭建廣生堂延祐志尙書袁子誠二女以奩貲置田三

百四十畝捨為廣生田及勅行堂等屋寺僧於殿後立祠

每歲忌辰祭之會集袁氏子孫至元間燬明末樂初如琬

重建今定成叢林成化志嘉靖間張時徹廢寺為書院聞志

月湖菴在縣治西南明張大司馬廢湖心寺為寶綸堂此

菴其餘蹟也聞志

定香菴在縣治西南古白檀寺之旁歲久寢廢

國朝順治間重葺聞志

天寧禪寺在西北隅惠政橋唐為國寧寺大中五年建宋

崇寧二年改崇寧萬壽政和元年改天寧萬壽紹興七年

改報恩廣孝又改報恩光孝後又名天寧報恩寺專充追

崇徽宗道場寶慶志明洪武十五年定為天寧禪寺二十年

殿圯重建信國公湯和題梁宣德十年重建鐘樓成化間
建羅漢殿塑五百羅漢像嘉靖間日本入寇割寺之東偏
地爲演武場遷羅漢殿於佛殿之後志

國朝康熙二十三年燬五十八年造鐘樓五十九年重建

大殿天王殿

曹志

長庚巷在縣治西望京門內志

開志

白衣講寺在縣治西北舊在今府治之內書長興元年建
號淨居報仁院俗呼白衣觀音院治平元年賜白衣廣仁
額政和五年郡守周邦彥建青蓮閣明洪武三年圯其址
改造本府解宇乃徙寺於府治西北廢普寧奉聖二尼寺
以建成化志

國朝順治間邑令孫奎建地藏十王殿康熙元年建關帝

殿閭志

觀音寺縣治西北三里久廢乾隆三十二年僧佛緣重建

采訪冊

天壽白雲寺在西北隅元至元間僧無二建菴扁曰白雲

精舍大德二年改今名為天台教宗

延祐志久廢采訪冊

乾符承天寺在西北隅富榮坊北唐為乾符寺尋廢咸通

八年復建名藥師院後改為承天宋政和七年御筆賜能

仁羅漢院額有子院二曰法華教院曰羅漢律院後惟羅

漢院在

延祐志久廢采訪冊

保安寺在西北隅唐清泰元年建號鄞江院宋大中祥符

元年賜額有敎院在西偏延祐志久廢采訪冊

興聖寺在西北隅西墻下舊號墻西院唐咸通十年建宋

大中祥符八年賜今額本尼寺後為僧院延祐志久廢采訪冊

東林菴在縣治西北白衣寺後元至順三年建成化志

大悲菴在純德廟後采訪冊

大隱菴在縣治西北聞志

雲居菴在縣治西北聞志

圓津菴在縣治北聞志

隨喜菴在縣治北來誰園右聞志

開明菴在縣治東北開明坊聞志

圓通菴在縣治東北聞志

觀音菴在縣治東北采訪冊

永福菴在北門內采訪冊

東

普濟菴在東門月城內明洪武間建

國朝康熙中閩商於菴右建三公祠祀巡道盧若騰知府

陸自嶽林夢官乾隆四十六年僧隱峰修建殿宇廂樓及

置田產具呈事實

靈濟菴在靈橋門外浮橋旁康熙四十八年建采訪冊

芥子菴在靈橋門外浮橋畔順治間郡守楊之柄泐菴其

左有雨暘亭舊址閩志

永利菴距縣東二里明嘉靖間大石磳成卽建菴贍田以

備硯夫啟閉萬歷四十四年重修

國朝康熙間重築水池

閱志

補陀禪寺在縣東三里本昌國梅岑山寶陀寺明洪武二

十年因懸海乃徙附郡城即棲心寺遺址建焉

成化志

門外

有七浮圖俗稱七塔寺有雲來菴在一都地為本寺塔院

閱志

積慶菴在縣東三里元至元間建

閱志

廣福菴在縣東三里

閱志

彌陀菴在縣東三里

采訪冊

廣嚴寺在縣東四里舊號華嚴院晉開運元年建宋治平

二年賜額

延祐志

久廢

采訪冊

永豐菴在縣東五里明正德間建

采訪冊

歸源菴在縣東五里

采訪冊

慈濟講寺在縣東五里元大德八年建至大二年賜額延

祐間有名僧普容塔於寺東南黃文獻潛為銘寺久廢

國朝康熙間重建

聞志

廣智菴在縣東五里元大德十年建為院後廢

國朝僧岳日重葺

聞志

直指菴在縣東五里明萬歷間建

國朝僧超奇重葺

聞志

多福院在縣東五里宋乾德三年建治平元年賜額

寶慶志

久廢

采訪冊

棲心寺在縣東五里舊號東津禪院唐大中十二年分寧

令任景求捨宅建咸通二年郡奏請以棲心名寺宰相裴

休捲帛書扁宋大中祥符元年賜棲心崇壽寺額政和中

改建神霄玉清萬壽宮久之復舊延祐志明洪武間燬為養

濟院今併補陀禪寺成化志

廣壽寺在縣東五里周廣順元年建號崇慶院宋慶歷七

年賜額延祐志久廢采訪冊

種智菴在縣東七里塾明萬歷間建采訪冊

妙善菴在縣東十三里采訪冊

化成菴在縣東十五里宋寶祐間建院外造石浮圖一座

明萬歷間重修采訪冊

李生寅詩大河東去化成菴歷歷湖山隔水南斷塔似
憐諸佛在陰廊不見一僧參蘿花滿地香猶積竹筍穿
門粉更合臺下野狐開
白日一經吾自夜能談

妙勝菴在縣東十五里又名圓通

聞志

雲來菴在縣東十五里康熙二十五年建

采訪冊

棲雲菴在縣東十五里

采訪冊

澗橋菴在縣東十五里舊名白馬亭

采訪冊

慈福禪寺在縣東二十里周顯德二年建名盛店保安院

宋治平元年賜今額

成化志

慶歷七年十一月鄞令王安石

以浚渠嘗宿於此

聞志

畱慶菴在縣東二十里

聞志

雲龍寺在縣東二十五里

采訪冊

淨衆教寺在縣東二十五里舊名齋堂院宋開寶二年建

治平二年賜今額延祐志

蘭若禪寺在縣東三十里宋紹熙五年建爲學士陳居仁

之功德寺元圮明洪武三年改爲鹽倉成化志

寶林菴在縣東三十里明宏治間建舊名新橋開志

鷲峰寺在縣東三十里采訪冊

普光講寺在縣東三十五里舊名光化院晉開運元年建

成化志

常寂菴在縣東三十五里又名龍華開志

清泰菴在縣東三十五里采訪冊

鐵佛院在縣東四十里元至正間建開志

顯忠院在縣東四十里宋寶慶間建賜寶慶顯忠額鄭清
之有記後廢問志

壽國禪寺在縣東四十五里宋寶祐間史巖之建請賜壽

國寧親額後名壽國成化志

資壽禪寺在縣東四十五里元至正間建久廢明天順五

年重建嘉靖志

世忠教寺在縣東四十五里宋咸淳間建久圯明天順二

年重建成化志

案史氏譜彌堅葬寶華山之南麓建世忠寺以守

香火則寺亦史氏所建矣聞志以為晉天福間建

未知何據今寺前即彌堅墓

保安教寺在縣東四十五里宋慶元五年建有石塔成化志

久廢采訪冊

資福菴在縣東四十五里小白乾隆十二年僧法澤勸建

并置義山為閩人客死埋骨之地置產在定邑六橫地方

具呈事狀

崇報院在縣東五十里宋提刑史彌正建延祐志久廢

國朝順治間復葺僧宇聞志

育王禪寺在縣東五十里阿育王山下舊名阿育王廣利

寺成化志晉義熙元年建梁武帝賜阿育王寺額宋大中祥

符元年賜名廣利仁宗時大覺禪師懷璉居之召居東京

淨因院御製釋典頌并提綱語句授之還山建宸奎閣藏

仁宗御書寺有釋迦如來真身舍利塔內有一角金鐘舍利在焉高宗賜號曰佛頂光明之塔嘗取至禁庭寺東北山上有迦葉佛左足跡上有東塔院傳者謂劉薩訶所禮

舍利塔湧出之處西塔院寺五十步塔乃唐明皇時建也

延祐志

宋僧常坦有育王山十二題曰金沙池佛迹峯七佛

石袈裟石明月臺石屏風靈鰓井供奉泉育王塔八角殿

晉年松重臺蓮

見野江集

寺有妙喜泉張九成作銘又有張卽

之書普香世界額山門有晉松亦號放光松高僅丈餘虬

枝偃地旁蔭數畝

育王寺志

寺東有鄧峰草堂元秦不華篆額

東塔院之南有墮星石石上隱隱有袈裟文相傳隨塔而

墮云明洪武十五年定爲育王禪寺稱天下禪宗五山之

第五宏治間建玉几松堂志聞

國朝乾隆十六年

賜御書心經一卷三十年

賜御書大悲心陀羅尼經一函采訪

李觀和育王十二題詩金沙池遙聞金沙池知是虛名

號世人方競奢何茲有遺寶佛迹峰佛迹空在茲佛

心無處所尋迹以求之似學邯鄲步七佛石萬物雖

散殊孰非道之體何必石巖巖方疑金色臂袈裟石

梵教一來東羣心日歸向土石至無情也作披緇狀

明月臺月色固無改臺基亦不壞嗟哉翫月人古來誰

更在石屏風形模皆自然樹立豈人力松影與秋光
掃成真水墨靈鰓井田苗自枯槁井鰓人所禱若教
龍有靈此魚何足道供奉泉磷師鑿此泉晨夕奉親
老因知達者心豈嘗離孝道育王塔嘗聞有為法佛
說如夢幻胡然宰堵波香花擢凡眼八角殿晉後干
百年茲殿儼如昔梵宇若皆然應須省民力晉年松
與午既陵夷羣材共淪謝唯有青松於今被王化
重臺蓮長疑佛界中天女來行樂為怕山風寒仙衣盡

重著 范成大育王方丈詩憲紙悲嘶萬壑風石梁飛
 澗倒枯松殷勤昨夜三更雨添作投淵雪色龍 又饒
 井詩决甃神通未易論雨聲畱客夜翻盆不辭客路春
 泥滑且足秧田舊水痕 又妙喜泉詩二士共談碑上
 法干僧同酌沼中泉法門泉味知多少水桶繩頭一串
 穿 又明月堂詩古來禪窟鎖巖扃佛子崔嵬拄杖橫
 塔上佛光堂上月莫言公案不分明 王銍登育王山
 示現塔贈卿璉與三上人詩危岫戴寶塔亭亭起虛空
 金鐸韻廣樂日夜鏘天風氣真逼雲漢與逸追鷺鴻嘉
 有三禪子超曠栖禪宮相追不憚遠幽致惟我同與盡
 歸一默人逐歸雲東平軒架絕壑上與絕頂通滄溟忽
 破碎百川競朝宗針陽無遠近山亂高高低紅四表倏明
 晦變化安可窮夜深風雨來陰氣誇驕雄響劇百谷咽
 靜若一氣融明發石路乾清韻生寒松 樓鑰登育王
 山望海亭詩瘦藤挂破山頭雲山蹊盡處開危亭平田
 萬頃際大海海無所際空冥冥乾端坤倪悉呈露飛帆
 去鳥無遺形蓬萊去人似不遠指點水上三山青褰裳
 活足恐未免倘有騰馭吾當乘是中始覺宇宙大眼力
 雖窮了無礙雲夢八九不足吞回視塵寰一何隘曾聞
 芥子納須彌說草菴含法界看我振衣千仞同笑把
 毫端捲烟海 薛謁育王寺詩寺在衆山裏白雲深處
 深不知行樂意何似坐禪心護塔龍常在倚松僧獨吟

渡江前陽字珍重到於今 錢維喬阿育王舍利塔歌
鄒峰去城五十里云有寺藏舍利子尸羅雙樹渺難覓
一顆璣瓏綴於此育王罪業何易消殺人無算如蓬蒿
其時入萬四千塔一塔一命填呼號天龍夜舞六丁泣
鬼工役使不告勞胡然具此大神力迷悟亦等拋屠刀
薩訶獵者未自懺涌地寶珠忽灑動修途闕宰堵靈
勝蹟長教梵夾驗我來遊覽愛玉几山僧導我向作禮
高尺四寸廣七寸非金非石競詔指中懸小磬覆如蓋
欲參黍粒窮仰視頗慚下士目易盲亦恐真人骨原死
浮屠之論色相空莊嚴華髮非其宗吉祥殊勝獲施捨
亦藉濟此一輩窮我不毀佛亦不佞吾儒堅固
有本性光明自滿震旦中爪髮不曾畱孔聖

西塔禪寺在縣東五十里唐開元中僧了緣建明萬歷間
妙雲修葺置產正殿有董其昌書最殊勝殿額前殿有豐
坊書白雲竹院額

國朝康熙十八年維德重建正殿乾隆二十六年廣義重
建前殿三十七年岳峯潮源相繼創建補青閣於殿東

具呈

寶事

普恩寺在縣東五十里元皇慶二年里人陳泳建延祐元

年賜額

延祐志久廢采訪冊

末壽菴在縣東五十五里

聞志

祇園菴在縣東五十五里

聞志

太平菴在縣東五十五里有茶亭

聞志

真際菴在縣東五十五里舊為壽相塔院久廢元致和元

年甬東張文華捨資重建

聞志

勅賜天童宏法禪寺在縣東六十里太白山之東舊名天

童山景德寺

曹志

晉永康時僧義興結茅山間有童子日給

薪水後辭去曰吾太白也上帝以師道行遣侍左右語訖

不見故曰太白禪師唐開元二十六年僧法璿建精舍於山麓之東後徙寺於太白峯下乾元初相國第五琦奏請賜以天童玲瓏巖爲寺名咸通十年爲天壽寺宋景德四年賜額景德延祐志淳熙五年孝宗御書太白名山四字賜寺建御書閣紹熙四年住持懷敞重建千佛閣攻媿集後燬元大德三年重建賜名朝元寶閣天歷間又燬至正二十年復建參政危素奉勅撰記寺之西北山上有佛跡玲瓏巖後有響石虎跑泉前有萬工池夾道古松二十里爲天下禪宗五山之第三成化志萬歷十五年大水湮沒崇禎間僧圓悟重建

國朝順治十六年圓悟弟子道忞應

召賜今額康熙七年建奎煥閣恭藏

勅書宸翰暨奉

賜諸佛像十七年建復古山門二十二年重建中峯菴雍正十一年

賜御書慈雲密布四大字及金字心經一卷又

賜御書名香清楚四大字乾隆三十年

賜陀羅尼經一函三十四年

賜華嚴字母一卷四十年

賜御製滿漢蒙古西番合璧大藏全咒經八函四體合璧翻譯名義攷證一部西域同文一函目錄一函維摩詰經三卷救護日蝕經一卷五十年

賜儀軌經一函山南有密雲禪師塔院近寺有幻智伏翠

堆雲西歸大雲桂花方嶺諸菴嶺外則小白下院

采訪

樓鑰千佛閣記曰淳熙五年孝宗皇帝親灑宸翰大書
太白名山以賜天童山景德禪寺寺之閣甚雄徹刻雲

章尊閣其上又於方丈專建一閣以藏真蹟實為禪林
盛事前所未有也初西晉永康中沙門義興卓菴此山

有童子手給薪水後既有眾遂辭去曰吾太白一辰上
帝以師篤於道行遺侍左右因忽不見自是始有太白

天童之名山在郡東南六十里所太白一峯高壓千嶺
雄尊深秀為一郡之望紹興初宏智禪師正覺欲撤其

寺而新之謀於衆有蜀僧以陰陽家言自獻曰此寺所
以未大顯者山川安大而棟宇未稱師能為層樓傑閣

以於越淑靈之氣則此山之名且將震擢於時矣覺深
然之乃拓舊址謀興作內外鼎新以次就成智匠高妙

務極崇侈門為高閣延袤兩廡鑄千佛列其上前為二
大池中立七塔交映澄澈遊是山者初入萬松關則青

松夾道凡二十里雲棟雪脊層見林表而倒影池中未
入寶閣已非人間世矣中建廬舍那閣尤為壯麗住山

三十年其為久遠之計皆絕人遠甚後有慈航了樸一
住亦二十年起超諸有關於廬舍那閣之前復道聯屬

至今巍然相望又大築海塗增益歲入由是天童不特
 為四明甲剎東南數千里亦皆推為第一遊觀者必至
 至則忘歸歸而詫於人聲聞四方江湖衲子以不至為
 歎皇子魏惠憲王儲出鎮一見慈航歎若平生暇日來
 海願瞻山林登瓊龍坐宿鷲或累日不忍去因圖以進
 於上會稽郡王太師史文惠公第又從容奏請遂有四
 大字之賜瑰奇絕特之觀無以加矣十六年虛菴懷啟
 自天台萬年來主是刹百廢具舉追跡二老而千佛之
 閣歲久寢圯且將弗支猶以前人規模為未足以稱上
 賜欲從而振起更出舊閣及前二閣之上僉以為難師
 之志不同也先是日本國僧千光法師榮西者發願心
 欲往西域求教外別傳之宗若有告以天台萬年為可
 依者航海而來以師為歸及遷天童西亦隨至居歲餘
 聞而有改作之意請曰思報構受之恩糜軀所不憚况
 下此者乎吾忝國主近屬他日歸國當致良材以為助
 師曰唯未幾遂歸越二年果致百圍之木凡若干挾大
 船泛鯨波而至焉千夫咸集浮江蔽河輦致山中師笑
 曰吾事濟矣於是鳩工度材雲委山積列楹四十多日
 本所致餘則取於境內之山始建於紹熙四年季秋之
 甲申才三載告畢費緡錢二萬有奇是歲海莊倍稔贏
 穀三千斛如有相之者不求於人見者樂施以迄於成
 凡為閣七間高為三層棟橫十有四丈其高十有二丈

深八十四尺衆極俱三十有五尺外開三門上爲藻井
井而上十有四尺爲虎座大木交貫堅緻壯密牢不可
拔上層又高七丈舉千佛居之位置面勢無不曲當外
檐三內檐四檐牙高啄直如引繩旅楹有閉翬飛跂翼
周延四阿綠以欄楯內爲綺疏表裏明豁自下仰望如
見崑閩梵唄磬鐘半空振響倘祥登覽四山下瞰河漢
星斗如在欄檻御書金榜巍乎中峙翊以翔龍護以絳
綃高出雲霄之上真足以彈壓山川傳示千古善財童
子大莊嚴藏入見樓閣廣博無量則不可知若經行四
方室屋巨麗殆未見其比也綸奉祠東歸嘗往遊焉驚
歎傑特目眩神駭過於耳聞敵請記其事老矣學落不
能形容姑記大槩以表吾鄉之勝海內好奇之士欲游
而未遂者覽此則太白之景思過半矣虛菴道價素高
禪子向方鳥夷亦聞其名而歸之加以願力深重才刃
恢恢巧匠瑰材成此勝事觀此無不歎或請飾之做
日彈力竭材幸濟登茲若丹矚華飾尙有賴於後之人
云

王安石虎跑泉詩供厨煮浴方成沼轉磨鳴春始到田
還丁山中清淨債却來塵世作豐年范成大天童三
閣詩松蘿羃天墮空翠迎風香三十里曾宮亭亭隔
瑞水碧瓦瓊樓五雲裏千佛當門無半偈聲聞未解祖

師意徧參踏破青鞋底前樓後閣玲瓏起開客那知如
許事東齋聽雨爛漫睡覺來一轉聊布施普請雲堂來
擬議袁燮天童道上詩業岌嶄鼎太白峯高名千古
獨稱雄放猿擬向山頭立字宙都歸一望中太白峯
前三十里古松夾道奏笙簧清輝秀色交相映未羨山
陰道上行薛喦天童寺詩佛界似仙居樓臺出翠微
浙中山水最海內衲僧歸草樹有真意禽魚盡息機禪
房無別事惟見白雲飛又天童道中詩除將吟卷外
琴與鶴相隨問寺路猶遠入山深未知鳥靈巢佛塔猿
飲挂藤枝陵谷幾遷變道旁橫古碑吉雅謨了題天
童寺朝元閣詩海內兵塵已十年上方鐘鼓獨依然史
臣錫號承天龍中使函香出御筵山列九龍蟠紫翠樓
閣五鳳啟雲煙籃輿亦有登山約擬聽松風借榻眠
曾宗泐題天童萬松圖詩小白寺太白峯二十里松居
其中一徑陰陰翠羽蓋半空轟轟蒼髯龍太白之峯分
九隴壯哉千古之佛宮香雲不動梵唄合樓閣倒影清
池空左巷昔年此說法山谷答響撞鉅鐘只今九重城
裏住夢魂昨夜鄞江東錢塘有客曰王蒙爲君寫此千
萬松座間慘慘起陰霧屋底颺颺生清風何來禪子松
下度長衫大笠攜一節亦有緇徒三四公青林路口衣
裳紅我初展卷欲大呼海上湧出高巖從雲端縹緲下
玉童有路似與天相通自憐平生不一到吁嗟老矣將

焉從還君此圖袖手
坐有目只送南飛鴻

明覺教寺在縣東六十里舊號明堂院宋治平元年賜額

有在在堂龍圖舒竄為記延祐志

國朝康熙二十一年移建於魯口白雲山旁聞志

斗菴在縣東六十里聞志

清隱菴在縣東六十里聞志

檀峯菴在縣東六十里聞志

指南菴在縣東六十里聞志

佛隴菴在縣東六十里聞志

吉祥菴在縣東六十里本名積慶菴後改采訪冊

史大成吉祥菴訪僧詩春草迎人綠山僧靜自怡
香在手刻竹瀝為詩夜寂江聲近林深磬韻遲偶尋支

道語不覺
性情移

樵隱菴在縣東六十里聞志

伏翠菴在縣東六十里聞志

雲居菴在縣東六十里相近有大雲桂花二菴聞志

香塵菴在縣東六十里聞志

盤山院在縣東六十五里唐咸通十三年建上有摩訶祖

塔院俱廢

國朝順治十七年重葺菴於山西聞志

慧日院在縣東七十里舊有廣修寺晉天福五年建宋大

中祥符元年賜額久廢明崇禎三年僧智慧於舊慧日堂

基建院卽以慧日名

國朝康熙間又葺院於山左聞志

山居菴在縣東七十里聞志

福聚菴在縣東八十里聞志

東南

法雲院在縣東南六里宋乾德二年建號甬東浴院治平

二年賜額延祐志久廢明洪武二年改為本府鹽倉成化志

南坡菴在縣東南十里元至元間僧惠足建

國朝僧寂義改葺於長壽塘聞志今名福壽寺采訪冊

惠燈教寺在縣東南十五里宋建隆二年建名朱村院治

平二年賜今額成化志

四港菴在縣東南十五里元至元五年僧不味建

國朝僧岳因重葺

聞志

淨慧菴在縣東南十五里舊名見心

聞志

錢家橋菴在縣東南十五里相近有山橋菴

采訪冊

陸村菴近山橋菴

采訪冊

鄧橋廣福寺在縣東南二十里宋天聖四年建賜額壽聖

紹興三十二年改賜額

延祐志

大悲院在縣東南二十里舊名金蓮紹興間改為大悲寺

延祐志

覺濟院在縣東南二十里

聞志

延福教寺在縣東南二十五里唐大中十三年建名天王

院宋治平元年賜今額

成化志

舊有天王堂堂之前有靈鰻

井歲旱禱雨輒應

國朝康熙十五年重建佛殿藏樓內鑑堂定成叢林聞志

雲龍院在縣東南二十五里宋嘉定間賜額久廢

國朝順治間重構菴於雲龍硯旁聞志

海月菴在縣東南二十五里明正統間用剛建聞志

青山禪寺在縣東南三十里晉天福三年建宋大中祥符

三年賜青山惠安院額成化志明洪武間定名青山

國朝順治十五年重建聞志

廣福寺在縣東南三十里相近有靈山寺采訪冊

泉月菴在縣東南三十里相近有上乘菴聞志

興善菴在縣東南三十里聞志乾隆五十一年重修采訪冊

永福菴在縣東南三十五里

采訪冊

尊教禪寺在縣東南四十里唐建中二年建名隱學宋大

中祥符元年賜棲真額後仍名隱學有四顧菴成化志有放

生池嘉靖志萬歷間遷寺於山旁

國朝康熙間重建曹志

沈遊復放生池碑記略曰隱學山之樓真寺有放生池焉在錢湖之陰其流西出而南匯其為浸三百畝唐大歷時宏教詮師於此修行垂三十年有徒萬指方天下鑿放生池而此寺最為勝者以錢湖之廣彌互數百里而蟲魚龜鼈蠶蚱之屬咸集於幢下洋洋然畱罔然使有生之命享無窮之樂者於是為聖人之澤其至于熙寧元年太常博士張侯响為令乃復改作使聚十方僧名山有耆耄畫其經界於是地倣正矣後三年黃侯頌時民或治其地益辨正之四隅為立石表焉蓋池與湖相通而不相絕也迨今光祿丞虞侯大寧乃始自於州州為出檄以詔來者然後犁然復大歷之勝矣於是喜為書之而不拒焉

福聖寺在縣東南四十里舊號東山塔院宋乾德四年建

宋治平元年賜額延祐志久廢采訪冊

梅園菴在縣東南四十里閩志

雲在菴在縣東南四十里邑令張幼學有記閩志

月濤菴在縣東南四十里閩志乾隆五十一年重修采訪冊

瑞峯菴在縣東南四十里閩志

紫竹菴在縣東南四十里相近有水蒼菴采訪冊

中正菴在縣東南四十五里采訪冊

五峯禪寺在縣東南五十里晉天福六年建宋大中祥符

間賜五峯崇福額成化志久廢

國朝順治間重建閩志

擇陽講寺在縣東南五十里漢乾祐二年建名擇陽宋治

平元年賜悟真額後復舊名

嘉靖志

國朝乾隆五十一年重建

采訪冊

東山禪寺在縣東南五十里舊號福昌院淳祐七年丞相

鄭清之請為功德寺賜東山慧福寺額

延祐志

月波講寺在縣東南五十里宋淳熙五年建越王史浩創

月波樓疊石成巖為寶陀洞天又於寺建四時水陸道場

孝宗賜慈悲普濟寺額又御書水陸無礙道場揭於殿明

洪武十五年定名月波後寺圯萬歷間大學士余有丁構

五柳莊御書名山洞府賜以建坊

國朝康熙十年余氏歸地重建殿宇

浙江通志

元津菴在縣東南五十里

聞志

慧日菴在縣東南五十五里

聞志

千華菴在縣東南五十五里

聞志

廣度菴在縣東南五十五里

采訪冊

霞嶼寺在縣東南六十里東錢湖之心小嶼兀然於中大

資史巖之鑿山為觀音洞髣寶陀之山因建以奉且割田

以贍

延祐志

明洪武間廢永樂二十年修復宣德八年重建

嘉靖志

按史氏功德院又有辯利寺勝像院教忠報國寺

悟空寺靈濟寺今皆廢靈橋門月城即靈濟舊址

也

二靈禪寺在縣東南六十里宋宣和間正言陳禾捨宅以

建延祐明初僧清濬建二靈山房又有室曰光明九靈山房集

國朝康熙二十一年僧德介重構禪室聞志

戴良二靈山房記曰鄞之名山水不可以一二數而二靈為最
湖為最奇東湖之名山水不可以一二數而二靈為最
奇二靈山房則又得夫二靈山水之最奇者也山有二
靈寺即寺右廡為山房寺與山房皆因山以為名而寺
乃宋知和禪師講道之處山房則今大少門天淵濬公
之所居也天淵自萬壽退歸已逃隱此山是時山房未
成二靈山水未見其為奇也一日命僕八斲篠蕩剪薪
蒸闕其屋之隘陋而加葺焉且鑿東壁為牖以通明於
是山房成而境始奇蓋東南諸山踴躍雷迅北走而達
於湖若奔馬之飲江若游龍之赴壑其羽羣峯羽翼乎
茲山者亦皆效奇獻巧若翔鳳之展翅而衆鳥為之後
先環之以錦屏舒之以練帶纚然如拱如揖凡境
之最奇所以接乎目而交乎心者舉入乎山房矣天淵
置圖書几研供張諸物於其中客至則相與倚闌而立
縱日以嬉不知日將入但見澤氣上騰與林光山色相
掩苒歛兮攢青倏兮浮白乍合乍歛翁忽蕩漾已而皎

月微吐橫射庭隙流水下澈影動虛樞悄骨悽神恍不
 類人間世此又一奇也山房之境信奇矣然必得人焉
 而益奇向非天淵之名出然後里邑之人慕天淵之學者
 天淵至而山房之名出然後里邑之人慕天淵之學者
 皆往游矣四方之人聞天淵之名者又皆往矣後來繼
 今聞風而興起者又將若是而山房傳之不朽斯為奇
 也不益大矣乎噫此子所以慶二靈之有遭而山房之
 記所為作也或曰學佛之人不三宿樹下蓋懼其有累
 也天淵知人間情緣之為累而棄之而學道知宗門荷
 負之為累又棄之而閒放今以一奇境之故而眷眷於
 山房如此庸詎知是事之非累乎噫為此說者非惟不
 足以知佛之為道而亦不足以知天淵矣天淵悟心乎
 空色而超神乎幻有其於山房之奇境猶太虛空之容
 物明鏡之鑿妍媸而未嘗有意於容顏鑿也目之所見
 果足以累其心哉且見者我也境者物也表為能見物
 為所見苟物我兩忘能所俱泯則累惡乎生山房之不
 為天淵累也久矣於是遊遂併書之
 笑曰願因吾子從之遊遂併書之
 僧祖銘二靈寺詩為愛山靈與水靈一巷高占
 白雲層風光只在闌干外半屬漁樵半屬僧

大慈禪寺在縣東南六十里宋嘉定十三年丞相史彌遠

初立為功德寺延祐志前有萬工池及七塔明洪武四年重

建戴良撰記後燬

國朝順治康熙間以次修復闕志

寶華講寺在大慈山前宋丞相史彌遠功德寺延祐志明天

順元年重建於寶華橋傍成化志

無量壽菴在冀國夫人葉氏墓側采訪冊

福林禪院在縣東南六十里元至元三十年建賜福林寺

額延祐志

國朝康熙間王氏捨基南巖重構揭舊額焉采訪冊

壽寧院在縣東南六十里宋乾德間建

國朝康熙間重構名曰上林闕志

慈雲菴在縣東南六十里志聞

自在菴在縣東南六十里志聞

雲峯菴在縣東南六十里志聞

延壽王講寺在縣東南六十里志成化晉天福二年建名延

壽王院宋熙寧元年增壽聖二字紹興三十二年改延壽

王廣福寺志延祐明宣德間重建福泉鎖翠萬歲寶珠四橋

志成化

保福禪寺在縣東南七十里大梅山志成化唐貞元十二年

建北蘭院大中元年改報國仙居宋大中祥符三年賜大

梅保福額與護聖同一山志延祐明宣德間重建荷衣松花

二堂近寺有西澗菴志聞

護聖禪寺在縣東南七十里大梅山唐貞元間法常禪師
 結菴開成元年建院名曰上禪定大中間名觀音禪院柳
 公權書額宋大中祥符元年賜大梅護聖額延祐志明漸廢
 國朝康熙二十年重建閩志
 珠山教寺在縣東南七十里晉天福七年建宋治平元年
 賜淨土額

國朝康熙二十年重建閩志

金文禪寺在縣東南七十里舊名金文懺院唐乾寧二年

建宋治平元年賜金文山惠照院額後廢成化志

歸雲菴在縣東南七十里閩志

瑞芳菴在縣東南七十里閩志

泉峯菴在縣東南七十里志聞

怡雲菴在縣東南七十里志聞

總持菴在縣東南七十里志聞

蓮華菴在縣東南七十里志聞

中隱菴在縣東南七十里志聞

慶梅菴在縣東南七十里志聞

中蘭菴在縣東南七十里又名梅隱志聞

仙隱菴在縣東南七十里志聞

梅子菴在縣東南七十里志聞

秀峯菴在縣東南七十里志聞

祖鏡菴在縣東南七十里志聞

得月菴在縣東南七十里初名指月聞志

藥師菴在縣東南七十里聞志

五塔菴在縣東南七十里聞志

唐公菴在縣東南七十里聞志

埋雲菴在縣東南七十里聞志

先照菴在縣東南七十里聞志

佛路菴在縣東南七十里舊為壽昌寺子院聞志

寶峯菴在縣東南七十里聞志

禪寂院在縣東南七十里宋雍熙二年建治平元年賜額

後廢止存雲頂仁壽二菴明正統間復建

國朝順治間重葺雲頂康熙間揭禪寂舊額聞志

崇果院在縣東南七十五里舊在跔跨山晉開運二
年建立久廢

國朝康熙間復構揭舊額焉又名崇福

閩志

慶雲菴在縣東南七十五里

閩志

祥雲菴在縣東南七十五里

閩志

積善菴在縣東南七十五里

閩志

瑞雲菴在縣東南七十五里

閩志

鏡花菴在縣東南七十五里

閩志

雲峯寺在縣東南八十里

采訪冊

德普菴在縣東南八十里

采訪冊

保慶教寺在縣東南八十里大梅山象峯下舊號寶慶院

采訪冊

唐乾寧元年建宋大中祥符元年賜法慶寺額延祐志明洪

武十五年改名保慶

國朝康熙間重建定成禪林閩志

白雲禪寺在縣東南八十里宋乾德五年建大中祥符三

年賜白雲延祥額延祐志明萬歷間廢

國朝順治康熙間凡再建閩志

金松菴在縣東南八十里閩志

桐隱菴在縣東南八十里閩志

金峨禪寺在縣東南八十里成化志舊號羅漢院唐大歷元

年建宋治平元年賜金峨山真相院額延祐志明嘉靖二年

改建於山麓

國朝順治十八年重建佛殿

浙江通志

菩提廣福寺在縣東南八十里唐乾符六年建宋大中祥

符三年賜額

延祐志

久廢

采訪冊

多寶禪寺在縣東南八十五里宋開寶元年建名管江院

治平二年改賜額僧則交塔於寺之西山龍圖朱翌為銘

延祐志

祥符教寺在縣東南八十一里

嘉靖志

晉天福間建名西溪

宋治平三年賜名法寶嘉定中尚書史彌堅請為功德寺

十七年改號大中祥符

延祐志

洪武間定名祥符

國朝順治間重建

聞志

阮山教寺在縣東南九十里舊名阮山菴漢乾祐二年建

宋熙寧二年賜聖阮額紹興三十二年改賜阮山廣福寺

額嘉靖志明洪武間定名阮山

國朝康熙間重建聞志

隱溪寺在縣東南九十里采訪冊

寶慶寺在縣東南九十里采訪冊

同隱菴在縣東南一百里采訪冊

蘇園菴在縣東南一百里采訪冊

南

長春菴在長春門外有長春塘以捍暴流因固塘築基構

菴以守

國朝僧照嚴重修聞志

柳亭菴在縣南二里唐天復二年僧鴻紹建名水陸院後因柳使君改建名柳亭宋元祐間建為維衛佛塔又名塔

頭菴明崇禎間大超重建

聞志

周昌晉重建記畧曰吾鄞城南之柳亭菴蓋維衛塔在焉攷其杯渡南土在晉建興之初其顯化西歸則宋熙寧之季也自戒香蚤成聖果遠錢塘重現禪機舌自廣長大悲乳說法於粧龕作啞之際身原清淨芬陁利輝跡於垂臂跣足之間其周大夫之預言禍福則智炬昭如來之神也其李士寧之指示名字則慧光現藏往之法也範銅自鑄汎海若浮則已顯化空棺歛爾宜名寶蓋世尊以大方便言甘露滅者示寂之身無住甘露者不死之藥長存空色空而取真空林微尼共尊金粟之儀超生滅而還寂滅窅堵波未奉仁祠之供則其現在之法乘自高又何詫乎過去之神通彌廣哉迺者演法護法者不表景從財施法施者不呼響集灌莽刊而凌雲構迺茨舍庀而不日功成波斯之阜聿新鳥斯飛而翬斯革舍那之城永奠龍聽偈而鶴聽經拭目三明慈容示笑於梵爾洗心八解佛意恍形於善哉是疇為無為功德指不退輪以修東林之行又疇為有為功德建

無畏鼓用復西弁之規哉慙無
簡棲之文用紀頭陀之石云爾

圓明菴在縣南二里

問志

歸津菴在縣南三里元至正間建名甬水塔院明萬歷間

重修

國朝康熙間置香燈田

問志

崇法寺在縣南五里舊號焚化院宋乾德五年建大中祥

符三年賜額

延祐志

久廢

采訪冊

萬壽菴在縣南八里

采訪冊

水月菴在縣南十二里相近有圓義菴

采訪冊

常樂講寺在縣南二十里宋治平間建山門外有石塔及

法華泉

成化志

治平講寺在縣南二十里後唐清泰二年建名保豐宋治

平元年賜今額成化志

慈雲教寺在縣南二十里漢乾祐二年建名李浦院宋治

平二年賜今額成化志

四明講寺在縣南二十里舊號鄞水院唐天復元年建宋

大中祥符元年賜今額延祐志

蒲邱禪院在縣南二十里舊有菴曰敬心久廢

國朝順治間剝復以蒲邱名聞志

白龍菴在縣南二十里銅盆浦元時建聞志

餘慶菴在縣南二十里聞志

香析菴在縣南二十里聞志

西林寺在縣南二十里采訪冊

天緣寺在縣南二十五里舊名鎮慶菴

國朝乾隆四十七年燬重建采訪冊

寶曇菴在縣南二十五里采訪冊

萬齡菴在縣南二十五里采訪冊

香積菴在縣南三十五里相近有會慶菴采訪冊

西延慶禪寺在縣南三十里唐中和四年建名永福院宋

大中祥符元年賜今額成化志

案延祐志作西延祥寺

天壽重興寺在縣南三十里元至元間僧永明等買厲氏

菴改建延祐志 有滙頭莊一所閩志

北林教寺在縣南三十里舊有院在姜山之東明萬歷間建尋圯

國朝順治八年改卜今地

聞志

海惠寺在縣南三十里舊號廣利以院之祖師廣利大師

得名宋治平二年賜額

延祐志

久廢

采訪冊

鐵衲菴在縣南三十里舊名仙巖

聞志

雲會菴在縣南三十里元至正間建

聞志

開善菴在縣南三十里

聞志

東林禪寺在縣南三十五里唐天祐十年建名東林宋治

平二年賜圓通額後名東林

嘉靖志

南林教寺在縣南三十五里元泰定四年建

國朝順治間重修

曹志

寶林教寺在縣南三十五里舊名報國西林院晉開運三

年建宋治平元年賜額

延祐志

濟遠寺在縣南三十五里

采訪冊

太平菴在縣南三十五里相近有福善菴

采訪冊

萬壽寺在縣南三十五里

采訪冊

明心教寺在縣南四十里晉天福五年建名厲山院宋治

平二年賜今額

嘉靖志

寺有致爽閣入山亭

開志

法明菴在縣南四十里近有指月菴

開志

衆樂菴在縣南四十里又名永福

開志

積善菴在縣南四十里近有獅子菴

開志

靈鷲菴在縣南四十里志聞

石佛菴在縣南四十里志聞

堅志菴在縣南四十里志聞

梅雪菴在縣南四十里志聞

永慶菴在縣南四十里志聞相近有永康廣濟二菴采訪冊

種雨菴在縣南四十五里相近有上道塘菴采訪冊

白雲洞菴在縣南四十五里采訪冊

元貞橋菴在縣南四十五里采訪冊

廣目菴在縣南四十五里相近有永廣菴采訪冊

普安教寺在縣南五十里梁乾化二年建名茅山院宋治

平元年賜今額明嘉靖三十五年慈谿東臯寺燬其僧清

玻迎佛像於此

嘉靖志

寶福寺在縣南五十里相近有寶峯菴其別院也

采訪冊

蓮花菴在縣南五十里相近有淨明菴蕊香菴

采訪冊

普德菴在縣南五十里相近有太平菴

采訪冊

錢家菴在縣南五十里

采訪冊

伏獅菴在縣南五十五里亦寶福別院

采訪冊

西歸菴在縣南六十里

聞志

社田菴在縣南六十里相近有賑濟菴

聞志

香岱菴在縣南六十里

聞志

團瓢菴在縣南六十里相近有龍沙菴

采訪冊

雙鏡菴在縣南一百二十里相近有塔頭菴

采訪冊

西南

祖關山塔院宋時建後燬

國朝乾隆九年重建門外有保心亭

采訪冊

看經教寺在縣西南十里宋乾德二年建號明福院治平

二年賜普照額明洪武初改今名

成化志

承天教寺在縣西南十里宋乾德中建名東安院咸平六

年改承天政和間改能仁額後圯

國朝康熙間復

聞志

廣德菴在縣西南十五里

聞志

永壽菴在縣西南十八里宋時建

聞志

布金講寺在縣西南二十里宋寶元二年建治平二年賜

額延祐志

國朝順治間建大悲殿聞志

圓通教寺在縣西南二十里宋宣和六年建久廢

國朝順治間重建聞志

惠光講寺在縣西南二十里唐咸通八年建名小江院宋

大中祥符元年賜今額延祐志

大名菴在縣西南二十里元天歷元年覺岸建舊名十字

港聞志

普濟菴在縣西南二十里俗名活佛聞志

廣善菴在縣西南二十里元至正四年淨泉建聞志

無盡燈菴在縣西南二十里宋時未廢廣德湖時建聞志

甘棠菴在縣西南二十里

聞志

溥濟菴在縣西南二十五里

聞志

桃源菴在縣西南二十五里元至正間建

聞志

資福教寺在縣西南三十里唐光啓二年僧志回建光化

二年賜名廣學同光四年改名隱學宋咸平三年改資福

大中祥符元年改資壽後爲參政宜繒功德寺

延祐志

有環

翠樓

嘉靖志

石馬菴在縣西南三十里在石馬塘元時建

聞志

靜居菴在唐家術長潭

聞志

林塘菴在縣西南三十里唐大歷間道林建

聞志

僧明本詩學得閒來便是閒好山好水任盤桓林塘菴外湖山景堪與杭州一樣看

法濟菴在縣西南三十里元至正間建聞志

禮迦菴在縣西南三十里在車何處聞志

濟遠菴在縣西南三十里聞志

方廣教寺在縣西南三十五里舊名泗州院唐咸通十一

年建宋治平二年賜額延祐志元至元間日湖處士周塾施

田四百二十四畝於殿西建祠祀之成化志

國朝順治五年建法堂康熙十年建山門塑天王像浙江通志

永成菴在縣西南三十五里采訪冊

桃浦菴在縣之西南四十里宋宣和間建石塔元至正間

善遇建菴聞志

德濟菴在縣西南四十里聞志

溪隱菴在縣西南四十里元至元間建志

普慶菴在縣西南四十里志

萬壽菴在縣西南四十五里志

聚福菴在縣西南四十五里志

翠山禪寺在縣西南五十里志成化唐乾寧元年建舊號翠

巖境明院宋大中祥符元年賜名寶積禪院嘉泰四年參

政張孝伯請為功德寺賜移忠資福寺額志明洪武十

五年定名翠山志

雷峰講寺在縣西南五十里宋乾德四年建參政宣繪請

為功德寺舊名雷峯傳善焉志成化

寶巖講寺在縣西南五十里舊名孝義院唐元和十二年

建宋大中祥符六年賜今額延祐志明正統十一年僧恩溶

建法堂天王殿著衣亭

國朝康熙三十八年重修改成禪林山門外有宋張卽之

書錫山二字浙江通志

寶壽教寺在縣西南五十里初為華藥巖龍湫菴宋淳熙

間建景定間請移杭州廢寺寶壽院額歸寺延祐志

國朝順治間復建近山有菴亦稱寶壽聞志

天王教寺在縣西南五十里唐咸通十三年建名天王院

宋大中祥符三年賜額普寧乾道間里人朱世則施大藏

經建夕陽閣以藏明洪武十五年仍名天王

國朝康熙六年重新佛殿浙江通志

與教教寺在縣西南五十里舊號小溪興福院唐咸通八年建宋治平元年賜今額

國朝康熙六年重建曹志

劉夔記略曰四明西南隅曰小溪乃鄞之隸鎮也雖非水陸往來之要衝然撮景勝槩四明江山之麗秀盡在於茲竊以為松之森森鬱茂則其下有異卉靈根地之真境勝絕宜建精藍梵刹歷代釋教莫如我宋之盛天下伽藍惟東南尤熾是以山川勝地必多建焉是境也有院曰興教在小溪之東北隅始自唐大和年中置立即古號興福至今朝治平元年賜今額是院之興初為甲乙徒弟繼踵住持至僧維谷則又易作傳教命十方僧徒主之熙寧末木院仲明者精心專行所得施資勳力修院功成身退守能者又從而營緝殿閣參差松筠蒼翠梁雕宇峻金碧燦然學者市歸僧徒雲會余調官小溪已三考富有佳山奇水得此吏隱優游俾拾故老遺言記其本末

卓錫菴在縣西南五十里采訪冊

系志 卷二十一 寺觀

寶福寺在縣西南五十里采訪冊

碧溪菴在縣西南五十里宋魏文節公杞建明初徙建

國朝僧照空重修聞志

祇樹菴在縣西南五十里初名祇園聞志

錫山菴在縣西南五十里元至正間建聞志

蓮社菴在縣西南五十里聞志

西翠菴在縣西南五十里聞志

奉親菴在縣西南五十里聞志

普和講寺在縣西南五十里漢乾祐二年建名靈影宋慶

歷七年賜今額延祐志

廣恩崇福寺在縣西南五十里宋紹定淳祐間袁越公韶

為其父衛公建尙書王應麟有記

志延祐

久廢

冊采訪

甘潼寺在縣西南五十里相近有永寧菴

冊采訪

聖壽教寺在縣西南六十里唐咸通五年建宋太平興國

元年賜額

成化志

宋僧希顏重建寺記略紹興五年乙卯寓居小溪鎮聖壽寺三數里朱氏菴園朝夕暇豫往來寺中於時初經建炎兵火之後寺宇焚蕩瓦礫填委蒿艾蕭條春禽晝呼颺颺夜啼已為榛莽之墟僧徒無休足之地皆編茅以蔽風雨三年癸丑剔朽荒惟法堂首事經營以為焚誦一時粥飯之地自後上下同心協力營幹大佛殿壞造象設洎法輪寶藏三門庫司庖湔懺殿鴻鐘下至厠潤咸克有成殆方丈寢堂廊廡溫室衆莫能舉遂於二十有二年僧徒檀越再請圓明講師覺遠住持公亦以寺宇營繕未備卽翻然喜從衆欲乃以平生縮衣節口銖積寸累之貲有事斤斧於是積年之廢一旦而舉凡四十餘間不豐不陋回環表裏不加藻飾已與然矣非公之力莫能有成也願以寺成命書遂著之於篇

天井禪寺在縣西南六十里

成化志

舊號天井院宋建隆元

年建治平元年賜天壽額

延祐志

明洪武十五年仍名天井

崇禎間燬

國朝僧鏡宗重建法堂并兩廊及五井龍神祠

曹志

寺有元

加封龍神聖旨碑

采訪冊

周銖天壽院記曰四明山盤亘千里隱如疊浪而西南諸峯惟灌頂定光為最高旁有瀑布瀉於兩山萬壘之間峭壁參雲足不可到其下有三口井焉泓然澄深清激見底是為天井歲時大旱郡邑之人不遠百里來禱於井隨求而應變現或頃有金線蜥蟻之狀出而赴感作為雲雷沛為膏澤為一方千里之惠而歲每用豐以故此邦之人咸生信仰建隆初有僧道凝自福唐來愛其峯林深秀遂卓錫於麓捫蘿而上危磴欽歎行三里餘始至其井旱時靈響沒聞繼徒日衆殿堂重復長廊廣庶幾至百楹鄉人遂以天井院名之咸通中刺史李伉以祈禱累驗乃即崇壽宮建五龍堂以答休俾郡人咸使香火有石刻在焉治平中郊祀大饗得請於朝始以

天壽賜額宣和三年春予遊定光愛其山水勝絕盤桓累月見所謂天井瀑布不絕如線而佛刹殿宇俯視於烟雲曉靄間欲一到未果也一日住持僧淨高自天非來訪予語及院之所以與與所以得名之因異日數過予於水西輒求記於予以紀歲月且將刻賜額勅黃於石予因以山川遊覽之勝三井靈異之感并淨高之言敘次以書

定光教寺在縣西南六十里唐咸通元年建名定光院宋

治平二年賜法忍額明洪武間仍名定光

聞志

妙智講寺在縣西南六十里舊號觀音院漢乾祐二年建

治平元年賜今額

延祐志

郭受記畧曰錢氏之有吳越日凡二浙之間山水奇秀者皆許建刹摩以安僧焉茲地始得僧師賢不知何許人一日東鉢竭然展止日其峯巒峭拔澗壑清激條然可愛乃誅茅建菴而居之未幾倏然而化去復有天台僧行昭來似續之昭即天台國師之門人也以其久參得旨大爲時輩之所欽一日有邑民梁階等請獻以廣

其址卽太平興國七年也棟宇日漸隆備乃以古觀音
像而名之仁宗饗位以天聖改元至十年有詔許以存
畱治平元年十一月國家將有事於明堂復詔天下
有未係錫名者皆例賜其額茲院始革爲妙智然上棟
下宇皆鼎新其制此主院子和勳力之績和師以無私
爲潔已以無黨而薰衆故緇俗無遠近班白皆悉心而
歸之雖一院粗完而中所闕者惟大殿耳乃竭志於蚤
夜而力圖之熙寧四年建成大殿則知和師自利兼人
之功德不可不紀其迹庶來
者可以見其心之所存焉

案大慈山亦有妙智寺爲史彌遠功德寺久廢

清源寺在縣西南六十里

采訪
冊

香象菴在縣西南六十里初名霞棲

開
志

永豐菴在縣西南六十里舊名萬濟

開
志

五臺菴在縣西南六十里

開
志

懸慈菴在縣西南六十里唐僧元亮結憇於此地有葑曰

懸慈故名

聞志

冷水菴在縣西南六十里巖有潭水味甚甘冽因建菴濟

衆

聞志

頭陀巖菴在縣西南六十里

聞志

地藏菴在縣西南六十里舊名地藏殿

聞志

佛蹟菴在縣西南六十里後梁開平間耳相禪師結茅後廢明洪武間復建後巖有佛蹟西有山穴可容百人傳為

定光佛蹟也

沈秦鴻詩茅菴佛蹟定堪求落葉蕭蕭到上頭岫日不侵幡影寂山風半送磬聲幽三生有覺飛香鉢五性無

迷度慧舟塵劫未消留

弗得野鷗驚散越江秋
周應辰詩那下為真蹟看來自脫然昇當天際去踏即
石頭穿隻履追無及雙趺補未至空堂猶可住頂禮向

前山

灌頂教寺在縣西南七十里舊名頂峯菴宋建隆二年建

大中祥符三年賜額普淨後改今名

成化志

空相教寺在縣西南七十里舊號四明保安院晉開運二

年建宋治平四年賜額

延祐志

石刻中書門下牒尙存寺中

采訪冊

僧義真重建佛殿記畧曰四明之山峯巒合沓東西廣
袤夾於天台沃洲之勝古之所謂支遁買山典公擲地
有所稱焉既山水清遠人物富庶故方外之賓浮杯振
錫芟草誅茅步幽野之邱墟建岑寂之蘭若於是佛刹
相望緇侶駢臻鐘梵之音周環響答其講馱之風香燈
之穢晝夜薰蒸於天地之間上可以贊升平而祝萬壽
有所自矣茲乃始於石晉開運中歷乎本朝歲月浸遠
土木凋弊檀越中大夫周公每諒之日先立眸容之偉
爲因衆之瞻依次營款畝之豐登爲二時之飽足經藏
輪轉大界精明則身心安居平等性智之道不遠復焉

普印大師靈一始學天台三觀於延慶之門言行克勤
端靜簡潔遂與觀典觀明用心經畫熏修化導機緣輻
輳遐邇雲奔選匠擇材大殿落成像飾燦然謂深山窮
谷中艱難幾載成此勝緣因乞一言以紀其始末夫一
瞻一禮列主伴之交參一香一花為道場之已具彼無
說說我不聞聞華藏未離王宮已降雖教中有偏真中
道之說太虛明鏡之談亦但存其髣髴
又焉能盡其無名無相寂滅之理哉

彰聖禪寺在縣西南七十里成化志舊名峒山院唐光啟二

年建宋大中祥符元年賜名彰聖院踞峒山東南衆峰環

合狀若芙蓉嘉定二年參政樓鑰請為功德寺賜報忠福

善額延祐志明洪武初定名彰聖有霞上室入山亭開志

元僧祖銘記畧深林邃谷奇峰秀嶺危立旁魄於天地
之間者造化胚結之本豈偶然而無故耶蓋非常之地
必有非常之人闢祇園樹勝幢為之煥赫四明彰聖禪
寺自唐迄宋歷年數百居者循常不希大造延祐己未
仲剛柔禪師莅寺以峰巒壯鎮屋廡窄弗稱曰吾茲拓
大殿宇泰定丁卯立三門僧堂庫院藏殿鐘樓浴室蒙

堂兩廡諸屋不十五年而俱展構又創銀山湖後二莊
又於昌國堤海為田以補羨工成乞記記而非偶遺天與
長谷勢委蛇眾峰盤繞芙蓉披造化造此非偶遺天與
皇閣興仁祠碩德朗公古偏奇始唐光啓初古基歷祀
數百具體微唯師仲剛拓大之列棟角立爭峩巍歷山
欲破山力支築田滄洲以海國鑿崖累石雷火飛濤山
浪屋不敢威道大信有神靈持上方香飯異所炊午鉢
天人同宴嬉鐘鼓考伐日二時作立禮樂新清規碑永
存者存
警思

寶積講寺在縣西南七十里唐清泰元年建舊名總持院
宋治平三年賜寶積額乾道三年重建賜翠巖山寶積額

嘉靖
志

周鐔記曰四明山與天台竝高東接滄溟西連禹穴穹
隆盤礴幾數百里嘗有雲氣蒙覆其頂仙書以為洞天
殆不妄其間崇岡秀嶺深林窮谷多昔人結茅之地歲
月浸久易以層構往往金碧相望於烟雲杳靄之間前
年予卜先人之藏於銀山既居其麓與所謂空相院者
竝望其北日錫山又有剎焉即此院也錢氏時都翁鄭

仁潮捨其基中間輒廢乾德中鄭遇復構之號為總持
慶歷丁亥歲僧可革主其事始為像殿與講堂而尹熙
又繼葺之稍稍完具治平中有事明堂因錫額曰寶積
而院遂興焉宗瑩上人熙嗣也既新前人之構又穴堂
之右為行人修行之室且患山之西阜不豐迺益培土
以自輔植木森然將於上方之上建經行軒以為行道
駐足之所又於山之前為披風亭使度嶺者得憇焉鄉
人父老咸以能幹名之而予於是知瑩可嘉將刊其勳
額於石以為之誌而過
予求文故為之書云

清修教寺在縣西南七十里宋乾德二年建名清涼院大

中祥符元年賜今額

延祐志

國朝康熙六年僧道元葺靜室於山左

闕志

鳳山講寺在縣西南七十里唐咸通七年建名鳳山院宋

治平三年賜法慈額久廢

國朝康熙間復建

闕志

銀山院在縣西南七十里康熙三年重葺

志聞

竹林菴在縣西南七十里

志聞

臨菴在縣西南七十里舊名陽堂宋天井寺道安禪師結

茅處有羅漢巖娑羅彎古蹟

志聞

盤松菴在縣西南七十里

志聞

雲石菴在縣西南七十里

采訪冊

禪巖教寺在縣西南八十里唐貞元元年建東有巖穴可

坐百餘人僧言法師修道之處因以名寺

延祐志

松巖禪寺在縣西南八十里相傳晉天福七年有秋江禪

師者遊方至此跌坐石上俄虎踞其側山民異之為建精

舍以居初名小溪松巖院宋治平二年賜慈恩額後仍名

松巖

國朝康熙間卽舊址重構闕志

天福寺在縣西南八十里宋治平中建延祐久廢采訪冊

杖錫禪寺在縣西南一百二十里唐龍紀元年建宋寶元

二年賜杖錫山延勝院額前有石巖高丈餘上刻四明山

心四字成化明洪武初定名杖錫

國朝康熙間重建闕志

戴表元杖錫寺詩仙草漫漫路不分鐘魚那許外間聞
涼天九月已飛雪晴日西山猶帶雲火後客誇新屋樣

兵前僧借舊碑文藤湖只去
招提頂見說澎田可種芸

西

法王菴在縣西一里元至正十年建闕志

西壽昌寺在縣西二里篠牆之北宋淳祐間因城中寺燬

徙建於此元復於原基重建遂畱此寺成化志

海會禪寺在縣西三里元延祐六年建名海會巷至正二

年建額為寺至正續志明洪武二十三年增建千佛殿三十一

年建舍利浮圖并塔殿永樂六年建法堂嘉靖志

國朝順治間重修諸殿宇康熙十年重建山門浙江通志乾隆

十六年舍利殿圯五十年僧隱峯重建具呈事實

袁梅記曰出城西門皆良田白水高下綠樹翳然雞犬
相聞農家善於其業者也予由京師回艤舟驛亭望之
則朱甍碧瓦傑然為人天居佛之道以枯槁堅忍為能
事卉衣糲食樹下塚間不求其豐足故從之者樂然如
歸二千餘年為之說者以莊嚴為善果愚者益信狂者
益怖而梵宮寶刹合郡縣山水之勝悉為所據日增月
益有不可勝言者曰明海之東絕處為蒲陀巖大士顯
焉鄒之東為育王山釋迦舍利塔焉迤陸而南為岳林

爲天台皆遊歷之所而補陀育王自天子至於王公百
 司乘驛奉香幣不絕於道四方之民終歲膜拜至於西
 門始求其渡海之路然而觸風濤烟霧率莫悉處所又
 舟人伺其危殆時有不利日接其事而來者益不止豈
 非其教足以傾動而爲善有以復其良心也有僧曰妙
 壽介於予所嘗遊之友曰董復禮以其建菴之始末告
 曰茲菴之創專以奉補陀育王岳林天台之遊者也初
 卜地於城西郡民任氏首不過地千步屋三楹有同志
 僧妙然日習宗尚善勸募傾捨駢集又有僧元安清持
 以行業振勵信者俱至善士翁文堅翼輔之首建佛宮
 且割田以濟未幾宣慰楊侯粹益買田以贊相由是拓
 地爲畝十五屋百楹殿堂門廡迎賓習靜各有其地泛
 海有舟放生有池蠹不設方丈懼後人之佚樂以自恣
 也不請寺額口海會菴懼其奪攘以爲茲所之凌替也
 其說若是頗請記以求永久予曰博施濟衆昔之聖人
 猶以爲歎浮屠氏日以假於外而皆足以慰其志意蓋
 其說汪洋浩溥參之以道政齊刑者不得已之具也逃
 姓日用而不知卒之以道政齊刑者不得已之具也逃
 空虛絕人事釋氏本旨而其生產作業皆取於吾教若
 今有司與繕則民不勝怨咨海會之成相胥以勸何其
 易也妙壽深湛善思事爲之防曲爲之制其惓惓於後
 者厥慮若是雖欲勿末久其得勿末久乎泰定二年乙

丑四月
癸未記

永福菴在縣西三里志聞

水月菴在縣西三里元至正間建志聞

福德菴在縣西五里元至元十四年建志聞

清道菴在縣西五里宋明道元年建志聞

法華菴在縣西五里元至正五年建志聞

西成橋菴在縣西五里志聞

接提院在縣西十里宋寶祐間建賜名報國院元至正間

改額志聞

寶明菴在縣西十里志聞

蓮華菴在縣西十里志聞

善慶菴在縣西十里采訪冊

太平菴在縣西十五里采訪冊

普靜菴在縣西十五里采訪冊

接待教寺在縣西十五里本國寧之子院明廢

國朝康熙間復建接待於舊址聞志

國寧講寺在縣西二十里宋大觀二年建賜額本甲乙律

院更為十方講寺後廢

國朝順治五年徙於高橋之東南聞志

大有菴在縣西二十三里采訪冊

永明菴在縣西三十里采訪冊

資教講寺在縣西三十里舊名廣德院周顯德元年建宋

治平元年賜今額成化志有蓮花池其花四色又有雙頭白

蓮嘉靖志

國朝康熙間重修寺宇聞志

陳戴記畧曰資教院山勢環簇深如凝碧湖光鑑靜瑩然照物道途幽寂則塵埃不到其址高峻而雲霞常聚堂殿之宏壯廊廡之周備耕稼而養衆厨庫以畜物院主寶通復加修飾又置水田一百五十畝更請闕下求鑄銅鐘懸以危樓於斯大備求文刻石以示將來

景德講寺在縣西三十里宋寶祐元年建嘉靖志

永慶菴在縣西三十里聞志

普濟菴在縣西三十里聞志

龍住院在縣西三十五里聞志

寶勝菴在縣西三十五里聞志

任山菴在縣西三十五里采訪冊

北

艮山菴在和義門外明崇禎八年建采訪冊

迴龍菴在縣北七里相近有福海菴普濟菴清道菴采訪冊

東北

資聖教寺在縣東北一里半舊名漁浦門外院宋太平興

國二年建天禧四年賜額延祐志後廢明天啟元年僧成秀

復建菴曰江心俗稱江心寺采訪冊

永壽菴在縣東北三里菴旁有鎮蛟塔采訪冊

慶雲菴在縣東北三十里采訪冊

道觀

冲虛觀在縣東南泰和坊志成化唐天寶二年命天下皆置

紫極宮以祀老子梁開平二年改真聖觀宋大中祥符二

年改天慶觀立聖祖殿朔望齋潔朝拜寶慶志元至元二十

九年改名元妙觀延祐志至大二年作飛天大法輪以度藏

經至治元年作寥陽殿及廊廡至正六年建玉皇閣明天

順三年提舉市舶內監福住重建七年賜今額後燬今僅

存三官元壇關帝三殿閩志

虞集元妙觀碑記略云元妙觀宋之天慶觀為在故宋

行都近郡貴人大家多居之佛老之祠甚盛獨所謂天

慶觀者溢於官府施與弗至食力甚薄觀中自度人守

之既內附守者不能自有而諸方道士皆得浴檄而來
為主者徒取圭撮之贏以去觀益弗治雷谷陳真人可
復以道法見知朝廷乃出囊中金作新之既成亦以其
弟子呂君震亨被璽書還主其事島夷忿火城中官府
故家民居幾盡觀亦與焉蓋至大二年也呂君乃屬其

副陳清一等以是年六月作庫堂米廩庖舍明年八月
作藏經之殿中為飛天大法輪以度道經而呂君方嗣
其師之法畱待內廷者數年然後歸至治元年正月作
寥陽殿以奉三清大帝深七十六尺廣百有五十尺翼
以廊廡其為屋五十間泰定三年作大門為屋十有三
間深四十六尺廣二百尺又作兩碑亭與其師弟子所
居之堂其像設供具是耀華麗高廣宏壯有加於昔焉
又割田若干畝歲取其入以備繕修俾永無闕乏而呂
君之心力益罄矣以呂書來

求記為敘次以垂之無窮焉
黃潛玉皇閣記畧曰昔有虞肆類上帝而及於六宗山
川羣神成周禋祀昊天而及於日月星辰司中司命風
師雨師社稷五祀五嶽山林川澤四方百物今道家者
流祝祭禮祠之祀諸神位號之多至於三千三百而莫
尊於昊天上帝率與有虞成周之法合老子為柱下史
孔子嘗問禮焉於帝王之舊典禮經固無不知其徒之
尊其所尊宜有所本矣然老子之道務清靜無為去健
羨守卑弱古之人用之治其國而民以寧壹至於飛符
走檄崇珍觀而啓元科五千言之中雖未嘗及之而非
有道外之法也凡天下通都大邑名區輿壤官觀壇場
之制自前殿之外必為玉皇之別殿蓋三境之高真元
穹之主宰當各全其尊也慶元元妙觀穹門遠廡奧殿

廣堂惟帝座久虛而不設非闕典與前住持雷谷陳君
 謀建玉皇閣未及庀工而化今住持頤菴王君而閣乃
 成複霽重簷塗墜丹青窮極壯麗威儀像坐嚴奉惟謹
 謂不可無以紀其成績乃以狀來求為之記夫以數百
 年之曠典一旦而舉之殆非偶然自今以始明靈顧歆
 祥慶來下使斯人蒙其福澤保其壽康而泳游於清靜
 無為之化此王君之志也所可記者奚止於程工屬役
 之勤而已乎王君名天助字致和同郡昌國之蓬萊鄉
 人

報恩光孝觀在子城東南八十步唐開元二十六年所置

開元宮也後改為崇壽宮宋崇寧二年改崇寧萬壽政和

元年改天寧萬壽紹興十三年改今額寶慶志今廢采訪冊

長春道院縣西南桂芳橋宋高憲敏公閱功德院元至正

二十年重建成化志

真隱觀在西南隅月湖舊名竹洲宋丞相史忠定讀書之

所忠定自號真隱乾道中嘗御書真隱二字賜之後遂為

觀至正續志今廢采訪冊

紫陽宮在縣西北隅元泰定二年土民余守元建至正續志今

為尼寺采訪冊

福順觀在西北隅宋寶祐間郡王趙與權建元至元二十

九年宣慰趙孟傳請延祐志今額後廢天歷二年道士呂虛

夷重建就觀建四明山仙官祠翰林學士虞集題曰四明

別館至正續志今廢采訪冊

佑聖觀在縣治西北二里舊名佑聖道院元至治初建後

廢明正統間內官歐成重建真武殿玉皇閣嘉靖志

國朝順治十六年玉皇閣燬康熙間復建開志

沈一貫修觀記曰佑聖觀在寧城乾陽殿祀元帝而閣
 其後祀玉皇始元至治間稱道院我明市舶太監梁瑤
 葺之改今名嘉隆周住持周元禮里人方惠迥等將修
 之而余太保柴方伯諾焉中書舍人廷椿太保仲子而
 方伯壻也首捐金三百道士周茂齡善符水工醫術有
 私田薄之得金二百周之徒王守純合善信所施而經
 營之自癸亥至於辛始落辰亦勤矣哉金山人鐫來謁余
 為之記余惟佑聖世所稱真武者也月令孟冬之月其
 帝顛頊黑精之君其神元冥水官之臣其蟲介龜其候
 雄入大水為蜃蜃者蛟屬也雉者蛇化也故始設教者
 援神而元之象祇記稱北方七宿惟龜與蛇又或謂北
 方神獸龜與蛇交而龍子稱禹強之人立乎北海疏言
 禹強人而鳥身珥兩青蛇踐兩赤蛇靈龜為之使蓋蛇
 為火龜為水蛇制龜龜制蛇實應坎離相媾之義操子
 午之衝而天一為之本宜為養生家之祖道書往往稱
 之我成祖及肅皇之世表武當為太嶽元嶽而臣視五
 山獨尊饗之歲時奔走天下則我郡十萬家人民之香
 燈於是也固宜矣夫正神者不為小怪司大靈嚮不幽
 而最幽者也今昭明發揚白日行天與勳谷陪室元之
 又元者然非正神也哉而人之專神必自元始元則真
 真則武黃廷經明毫髮節理皆有神誰能不披毫髮節
 者乎若世之傳真武者言不能效其自來要之至理豈

異於是吾用
是以告來者

報德觀縣治西北伏飛靈翼廟之右宋淳祐八年為唐刺
史黃晟建以報築城之功明正德七年里人倪淮重建
嘉靖

明真道院在縣東五里宋丞相鄭清之讀書之處咸淳間

始為道院至正續志今廢采訪冊

至德觀縣東三十五里宋淳祐八年建嘉靖志今廢采訪冊

雲濤觀在它山堰旁宋嘉定十二年賜額遺德廟屬焉延祐

志今廢采訪冊

壽聖觀在縣東五十里阿育王山前宋大觀中建東岳行

宮嘉泰元年改壽聖額成化志今廢采訪冊

顯忠旌德觀清修悟真觀太清悟空成道宮並在大慈山

宋史丞相母齊越國夫人葬於山中建為功德所延祐志今

廢采訪冊

大嵩真武宮在縣東南九十里采訪冊

冲虛真館在縣東南五里道士呂震亨建國子助教陳旅

記至正續志今廢采訪冊

崇真觀在縣西南三十五里采訪冊

紫清觀在縣西三里宋豐清敏公故園成化志今廢采訪冊

隱仙館在縣西三里道士王德華建翰林侍講袁桷記至正

續志今廢采訪冊

蓬萊觀在縣西廣德湖之望春山舊有靈波廟以祠白龍

宋政和間陳孜建道院於東紹興十三年郡守莫將禱雨

有應奏移象山蓬萊觀額以名之延祐志

棲鎬觀記略云老與佛之學行於世尚矣未知孰為輕重然以吾鄉一境計之佛籍至八千人而道流不能以百其居財十數而佛廬至不可數何耶蓋嘗聞之歐陽公矣大略以為佛能循人情而鼓以禍福人之趨者衆而熾老氏獨好言清靜靈仙之術其事冥深不可質究故凡佛氏之動搖輿作為力甚易而道家非遭人主之好尙不能獨興且曰其間能自力而不廢者豈不賢於其徒者哉明之四山去皆三十餘里西有湖千頃一山穹然秀出此為最近者名曰望春舊有靈波廟以祠白龍政和間有陳孜者始崇以殿辟道院於東俾道士馮立權奉香火又得道士何思遠居之於是觀宇益典廊廡略備紹興癸卯太守莫公將命拜章禱雨而驗奏移象山蓬萊觀廢額手書扁榜以寵異之其後主者竭力以增益前功今知觀吳若納繼胡志清之後里之巨室厲氏兄弟相與出力興造又得咎氏荆岱嶽行祠於山麓遂為一方勝處繇歐陽公之言觀之諸君可為能自其徒者哉

戴機輪藏記略云道判於希夷人舍冲和之氣以孕形
 統質終日由之而罔覺一念顛錯天理滅蕩其報至於
 流轉三洞漂沉億劫粵有大真人在玉清宮中怡神靜
 念哀矜衆生乃宣演秘法警世度人津梁今古此玉笈
 雲錦之囊所以闡元虛之妙也初為鉅藏以藏之呵護
 之以威神旋轉之以軌軸珠躡景緯森列於上乾樞坤
 根運轉於下琅函象鏡囊括於中法輪一轉幽顯旁達
 邇之不窮索之無盡咸知敬仰諸妄盡滅信哉道果之
 淵深廣博也鄞城西陂湖千頃中時一山屹然如瀛洲
 方丈在滄溟是為望春其間有神龍隱見與雲作雨山
 之顛道士結廬以鍊形養性世奉香火紹興中因望霓
 應禱太守莫公有請於朝賜額為蓬萊職觀事者屢更
 淮童思定真實不妄銳意興造自是殿宇廊廡寔寔琳
 宮珍館矣乃欲建輪藏於觀西未就而羽化其徒胡志
 勳力募緣邑保義郎厲斌慨然身任是責經始於嘉祐
 之戊戌而落成乎辛丑之孟秋糜金錢一萬緡藏經五
 千四百八十一卷全碧輝映四境瞻禮屬又築捨良田
 百畝因是傑然為鄞之名觀一日以記屬予予家密迺
 蓬萊驗其事為
 詳豈得自默

鄞縣志卷二十五終